



Kunstlich erbietung
der Euangelischen Predi-
canten / an den Geystlichen standt /
die iezige leer betreffende.

Durch Urbanum Regium.

Joha. 3.

Wer mit warheyt vmb geht /
der kompt ans liecht /
Wer übel handelt / der
hasset das liecht.

B. Mayord.
P. J. R.

Gr. vij

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

let
an
den
der
wit
Ne
4.
X
seel
des
pre
mi
das
den
ist /
das
nit i
2. p
X
den
ten
sein
sein
e



Der almechtig gütig Got
warnt seine Christlichen Kirchen
gar oft in heiliger schrift / vor de
letsten gefährlichen zeiten / vñ zeygt ir fleissiglich
an / wie vil falscher propheten auffstehn werz
den / so grausamlich irren vñd verführen / dass
derselbig irthumb / sol gewlich / groß vñ lang
wirig sein. Mat. 24. Mar. 13. Daniel. 8. vñ 12.
Act. 20. 1. Timo. 4. 2. Tim. 3. 2. Pe. 2. 1. Jo.
4. Math. 16.

Nu seind ietzt die letzten zeit / darinnen leib vñ
seel in grausamer gefar standen. Falsche lerer
des Endtchrists botten seind in der welt. Nā
predigt widerwertige ding / da ie der eyn theyl
müss vnwarhaft sein. Vnd was istz wunder
dass irthumb ist / dieweil die hirten wölff werz
dend / vñ das saltz der erden selbs vngeschmack
ist / vñd man die augen vom liecht abwendet /
dass Gott in disz finster ort gsetzt hat / dass man
nit irr gehe? 1. Jo. 2. 1. Cor. 10. Danie. 8. 12.
2. Pet. 1.

Wer nun nit wil betrogen vñd verfürzt werz
den / der müß warlich fürsich sehen vñd sich hüt
ten bei verlierung seiner selen seligkhey. Wir
seind ie gnüg gewarnt / wers verschlafft / schad
sein. 2. Thessa. 2.

So leitgts ietz alles daran / dass man wisse /
H G

*in. 1. Jo.
1. Jo.
Danie.
1. Jo.
Timo.
1. Jo.
2. Pet.*

welches dieselben falschen lerer seiend / damit
man sich wisse vor jnen zehüten. Sie sol man
die augen bass auffthun / dann bißher besche-
hen ist / vñ differ sach grundt süchen / so kumpt
man jr bald an eyn end / vnd ersparet vil schrei-
ens / schreibens / kempfens / vñ vergeblich war-
tens auff eyn Concilium.

v Sie sprechen die Bapstler / sie seiend die recht
Christliche Kirch / sie haben den heiligen geyst /
als die waren nachkomenden der Apostelen /
darumb soll man bei jnen bleiben / wer wöl sel-
lig werden. Den Luther vnd alle die so in zeh-
hen jarn ietz das Euangelion anderst / dan der
Bapst / predigen / nennen sie Ketzer / falsch Apo-
steln / Abtrünnige von der Christlichen kirchē /
die man meiden sol als wölff. Der Luther vñ
die ietz wider den Bapst leren / sagen vnuerho-
len / des Bapsts hauff seiend die falschen Apo-
steln / des Endtchrist botten / ire leer sei falsch /
vñnd jr leben vnchristlich / derhalben soll man
sich vor jnen hüten / als vor den verfürern der
letsten argen zeit.

vj Wo muß aber in diser zweytrechtigen leer /
der armeynfeltig man hinauff? Er wer ie ges-
ren ein Christ / vnd blibe gern bei der heyligen
Christlichen kirchen / vff das er selig würd. Er
hört aber das sich ein ieder theyl der warheyt
vñ kirchen berümbt / vnd wirt ganz irr / weyß
nutt welchem theyl er sicherlich glauben mag /
wie sol er jm aber thun das jm gholffen werd?

chen
stehe
Kirch
die p
heili
man
vnß
rern
dabe
rer/le
eyn f
hinte
daru
liche
liger
werd
nen/v

De
mensc
binde
nad e
den d
gewi
sime
schlich
diener
libert

Es ist iwar / das der trewe Gott sein Kirz vñ
chen nit verlaßt / wenn man es nun recht vers
stehet / dann der heilige geyst / der Christlichen
Kirchen leermeyster / hat durch seine Cantzler /
die propheten / Apostel vnd Euangelisten / die
heilige schrift der kirchen fürgeben / dardurch
man gelert wirt zū der seligkeyt / darzū warnet
vns der geyst Gottes trewlich vor den verfür
rern / vnd gibt vns klare verstendliche zeychē /
dabei man des Antichrists wesen / leer vnd lees
rer / leichtlich mag erkennen . Dann wie man
eyn schlahenden roß pflegt eyn schell auff den
hintern zehencken / damit sich iederman wisse
darnor zuhieten . Also hat der heilig geyst / ett
liche gewisse deutliche zeychen geben / die in hei
liger schrift den falschen lerern der letzten zeit
werden angehendt / dadurch man sie mag ken
nen / vnd demnach als wölffe stiehen .

Das erst zeychen.

Des Antichristes lerer vnder stehen sich der
menschen gewissen mit menschen satzungen zes
binden / Gott damit zū dienen / sünd büßen / ges
nad erwerben / seligkeyt zuerlangen . Sie wer
den die selben satzungen vil hefftiger auff die
gewissen dringen dan Gottes wort / vñ forcht
sime gewissen machen / die wenen / wa sie mens
chliche satzung zum Gotsdienst halten / so ver
dienen sie vil vmb Gott / wa sie aber die selbigē
übertrettē / so sünden sie wider Gott / vñ solche

Satzungen machen sie irem Abgott dem Bauch
zugüt/ vnd verführen der eynfaltigen leut hertz
mit schmeychlerei vñ liebkosen. Also verheyl
sen sie sicherheyt da keyne ist/ vñ machen forcht
da sich nit zu fürchten ist/ wie Jeremias am 6.
vnd 8. cap. sagt: Füllen die welt vol sünd mit
iren gebotten vnd falscher sicherheyt/ Jehes.
am 13. Vnd das ist das grausam laster das
der prophet Daniel/ vnd Paulus der Apostel
vom Antichrist schreiben/ Daniel am 7. sagt
vom Antichrist/ wie er sich vermisset die zeit vñ
Gsatz zuuerndern/ wie er wider den allerhöchs
sten rede/ oder als Symachus verdolmetscht/
er wirt reden als were er Gott/ das ist/ er wirt
gebieten/ vnd sein gebott eben so wol bei eynem
todsünd wollen gehalten haben als Gott sein
gebott. Damit stimmet Paulus 2. Thessal. 2.
da er den Antichrist eynen menschen der sünd
nennet/ der sich erhebt über alles das Gott heis
set/ also das er sich setzt in tempel Gottes/ als
eyn Gott/ vnd gibt für er sei Gott. Der tempel
Gottes seind wir 1. Cor. 3. Darinn wil der An
tichrist sitzen vnd herschen/ das im die gewissen
verbunden sei/ die doch alleyn Gott sol regie
ren vnd führen. Dise obbenenten eygenschafft
ten kan man keyner leyen person zuschreiben/
es muß gewißlich eyn geystliche person sein/
die sich mit der seelen handel vnderstehet vmb
zugehen/ vnd die schrift zu handlen/ dan auch
Daniel spricht am achten capitel/ das sich der

angesicht künig der Antichrist/auff retterschen
versteen werd/als wolt er sagen: Er wirt sich
der kunst vnd schrift annemen. Besihe Paulus
zum Roman. 16. Coloss. 2. Rath fromer Christ
welchem die schellen sei anzuhengen.

Das ander zeychen setzt Paulus
2. Timoth. 4. vnd sagt/ das inn den letzten zeiten
werden verführische geyster kommen/ vnd
den Keichen stand / auch die speiß verbieten/
inn gleißneri/ vñ das ist auch des Antichrists
tugend eyne / dann Daniel schreibt von im am
21. capit. Er werde sich nit verstehen auff lust
der weiber / darüber spricht Hieronymus der
Papisten eygener lerer/auff die verdolmetschung
Aquila / das der Antichrist werde eyne
schein führen als sei er keusch/ damit er vil leute
verführe. Also spricht Paulus: Die verführer
der letzten zeit werden Ke weiber verbieten/ as
ber durch gleißneri lügen reden. Höre zu / sie
werden eyn lüg mit gleißneri verdecken. Alle
satzung wider Gottes wort seind nichts dann
lügen vnd betriegerei. Nun haben sie eyn satz
ung gemacht/alle geystliche personen sollē den
Ke stand meiden/darzu liegen sie vnd sprechē/
man möge Gott nit inn dem Ke stand als wol
dienen als inn dem geystlichen/ derhalben mei
de man die Ke weiber/auff das das leben desto
heiliger sei. Ist das nit eyn grobe vnd greiff?

A iij

liche lüge/inn eyner lautern gleißneri/dz man
sie deſter heiliger halte / ſo müſte nach irer leer
d̄ Keſtand vnheilig ſein vnd vnkeuſch/ ſo doch
der heilig geiſt den Keſtand keuſch vnd eerlich
nennt Heb. 13. 1. Timoth. 2. Die außred mit
dem gelübd der keuſchheyt iſt nichts/ Dañ wer
hat jnen erlaubt/daß ſie eyn heilig/erlich/nutz
lich / löblich ding ſollen verſchweren vnd ver
loben/ alß da iſt der heilig Keſtand / darinnen
Patriarchen/ Propheten/ vñnd Apoſtel gewe
ſen ſind/on hindnuß des rechten Gotsdienſts?
Eben alſo verbieten ſie ſpeiß/die doch Gott er
laubt mit danckſagung zu eſſen / vnd thünd es
vmb groß verdienſts willen / gleich alß ſtünd
große heiligkeyt inn viſch eſſen vnd fleiſch mei
den/dabei wirt deß glaubens vnd Chriſtlicher
freiheyte vergeſſen/wider S. Pauls trewe war
nung/ Galat. 5.

Das dritt zeychen / dabei man die An
tichriſtlichen lerer inn diſen letzten zeiten greiße
fen mag/iſt das : Sie werden / ſpricht Paulus
2. Timoth. 3. eynen ſchein eyns Gottſeligen le
bens haben / aber es iſt nichts darhinder/ dañ
ſie verleucknen die krafft deß ſelbigen lebens.
Da meldet Paulus zwey ſtuck / nemlich / eyn
ſchein/vñ macht. Was iſt der ſchein eyns gü
ten lebens? Es iſt von außen erbarlich pran
gen/vnd eynen heiligen wandel führen / das es
alſo ſcheinete vñnd gleißt / alß ſei es eitel from

Keyt vnd heiligkeyt. Was ist die maacht eyne
güten lebens? Es ist der grundt des güten les
bens/wan es wol vmb dein hertz steht im glau
ben gegen Gott/ vnd in Christlicher lieb vnd
trew gegen dein nächstn/ als wan man spricht
Das ist eyn grechter/ schlechter/ frommer mensch
der keyn schalck im hertzenn hat. Widerumb
spricht man von eynem gleißner: Der mensch
sihet eym biderman so gleich/ daß es schad ist/
daß ers nit ist. Er stellet sich wie eyn frummer
mensch/vn ist aller bübereien vol/ er deckt den
schalck. Eyn exempel. Wan eyner wer/der erz
barlich in fleydern gieng/ im langen rock/ Forz
rock/ rund baret/ bertet alle tag die sibenzite/
gieng dreimal in kirch/ enthielt sich ettlich tage
von fleysch essen/hett keyn Eweib/ oder thette
sich von der wellt in eyn Closter/ legt eyn graw
kuttren an/stellet sich in alle weg/ wie die willig
armüt/sihe/ das ist eyn schein eyne heiligen les
bens: Es ist die schelffe/ wo ist der grundt/ die
warheyt/ der kern? Jez setz ich/ daß eben der
selbig mensch vnd dem obgemelten schein/ sei
im hertzen geizig/der nit könne erfüllt werden:
Neidig/ daß er niemandt dann im selbs alles
güt gönne: Er blappet mit mund vil wort/ vn
ist sein hertz weit dauon: Er isset keyn fleysch/
aber güte visch/ vnd trinckt güten wein darzu/
vn verurtheilt dieweil seinen nehsten zur hell/
der eyn stück fleysch zu seiner nothurfft isset mit
dancksagung: Er ist vol vnlauterer begird zu

weiben tag vnd nacht / vnd wo es im als gut
mag werden / verschont er weder jungfrawen
noch Eweiber / vnd ist also eyntweders eyn
heymlicher oder offenlicher hurer. Er sitzt vil
leicht mit dem leib inn eyner zell / aber mit sei-
nen gedanken vnd begirden spaciert er durch
alle welt / vnd ist im niemandts gut genug. Er
ist hochfertig / vnd übernimmt sich seines stans-
des / als sei er heiliger dann der gmeyn mann.
Er meynet seine werck seind so gut / das er da-
mit himmel vnd erd verdiene / vnd andern leu-
ten auch damit gen himmel helffe / vnd wenn
man im sagt / der glaub in Christum der durch
die liebe dem nächsten dienet / sei eyns menschen
volkommenheyt: Gelübd seien menschen ges-
dicht: Eyn dienstknecht oder magd mög so wol
im stand der vollkommenheyt sein als eyn Car-
teuser. So fahet er an vnd nennet dise leer eyn
Fetzerei / vnd verdampft leer vnd lerer weit hin-
der die hell hinab. Fromer Christ / da sihestu
was vnder dem grossen schein verborgen ligt /
es ist eyn schein vnd nichts darhind / eyn schelff-
on eynen kern / eyn lauter gleißnerer on allen
grund. Nun rath welchem man ietz die schel-
len sol anheften. Zeihe es keynen Leyen / dan
sie füren keynen besondern geystlichen schein
von aussen. S. Paulus weist vns auff die
geystlichen / vnd spricht gleich hernach: Auß
den selbstigen seind / die durch die heuser lauffen
vñ füren die weiblin gefangen / welche mit sün-

den überladen sind / das seind ie Beichtuäter /
nun vnderwinden sich die leyen der beicht nit /
man weyßt wol wer die oren beicht haben wil /
bei verliering der seligkēyt.

Das vierd zeychen.

Welche Christo vnserem herrn in sein ampt
greiffen / vnd inen selbs zueygnen / die sind des
Antichrists botten / vnd verfürer diser letzten
zeit. 2. Petri 2. Allyn Christo gebürt für die
sünd gnügthün / gnad erwerben / frum vnd selig
machen / Jesaie 53. Matth. 9. 11. 1. Timot.
1. 2. 1. Pet. 1. 2. 3. 4. Johan. 1. 1. Johan. 1. 2. 3.
4. Ephes. 1. 5. Galat. 1. 2. 3. Roman. 3. 4. 5.
2. Timot. 1. Tit. 2. 1. Corinth. 1. 15. Act. 13. 15.
20. 2. Corinth. 5. Coloss. 1. 2. Das bezeugt sein
tröstlicher nam Jehoschua / das wir sagen Jes
sus / das ist / seligmacher / danner selbs hilfft
seinem volck von iren sünden / Matth. 1. Das
bezeugen propheten vnd Apostel liberal. Nū
seind aber ietzt leut die sagen / sie mögen mit ire
eygnen wercken / sünd büßen / gnad erwerben /
frum vnd selig werden / vnd sy leugnen irer leer
nit / darumb seind sie leichtlich zū erkennen.
Wer nun also leeret / der raubet Christo sein
ampt / dann der himlisch vatter hat sein eynge
bornen sun Jesum Christū zū eym frummach
er vnd seligmacher gesandt vnd geben. Wen
wir mit vnserm thün souil vermöchtē / dz vnß
Gott vñ desselben thuns willē die sünd wñhe /
gnad geb vñ selig machte / wazū dörftē wir den

Christus des herren? so were er doch vñ sunst
gestorben/Galat. 2. Er ist aber gewißlich dar
umb gestorben/das er für vnser sünd gnüg the
te/den vatter versünete/gnad vnd den heiligen
geyst erwürbe / das wir frum̄ vnd kinder Got
tes würdē. Derhalb muß eyn ieder Christ vest
glauben / das alleyn Jesus Christus der gna/
denstul sei/den Gott für vnß ansihet/vñ durch
sein verdienst sünd ver gibt/gnedig wirt / vnd
selig macht/wer anderst glaubt ist keyn Christ
Was hilfts nun das sie Christum mit dem na
men bekennen/ vñnd nemend im darneben sein
amt vnd macht. Es ist nichts anders dann
Christum verleucknen/darumb merck auf S.
Peters warnüg/der spricht 2. Pet. 2. Es wer/
den falsche lerer vnder euch werden/die heym/
lich schedliche secten einfüren/ vñ auch den her
ren der sie erkauft hat verleucknen. Nun hör
wer oren hat zū hören/ es ist ie deutlich geredt/
die selbigen verführer werden vñ danckbar sein
Christo vmb sein erlösung/die werden sie ver
achten/das seind die werckheiligen/ die meynē
sie wöllen sich selbs durch ire eygne werck vnd
orden von sünden loß machen/büssen vñ Gott
versünen / des Teuffels gewalt entrinnen / die
thünd nichts anderst als sprechen sie: Wir bez
dörffen Christus nichts/wir können selbs sünd
büssen vñnd gnad erwerben/ dann der mensch
hat eyñ solchen freien willen/sprechen sie/ wann
er thät/sonil an im ist/so kan er sich also zū der

büß schicken auß freihert seins willens / das er die erste gnad gebürlicher weiß verdient. Ober das / wenn eyner eyn geweihter Priester ist / so vermag er inn krafft seines ampts / ob er schon selbs eyn böser büß ist / das er an statt der Kirchen mag / Gott seinen sun für vnser sünd auff opffern / vnd also vnser sünd ablegen / gnad er werben / vnd vnß zu Gott bringen. Berümen sie sich doch ietz offentlicher dann noch nie / wie sie teglich für vnser sünd opffern inn der Kirchen / auff dem altar / vnd vnß Gott wider ver sünden durch ir Messopffer / das sich also ir eys gner müd selbs verrathet / wie sie Christo sein theurs opffer vnd gnadreiche erlözung / nit so vil gelten lassen / als es warlich vor Gott gilt. Wer dise verleucknüg Christi nit versteet / der wil ie müßwilliglich betrogen werdē. Merck aber wie S. Peter die leut weiter so deutlich ab malet / vnd spricht: Sie handtieren an die leut mit erdichten worten / das ist sonil: Sie erdich ten seltsame wort / damit sie gelt vnd güte von leuten herauß bringen. Laß sehen was die sel ben wort seien / Segneur / Verdienst deß übers schuß / Freiwil / Thün sonil inn dir ist / Jung sraw frönlin / Hyperdulia / dulia / opus opera tum / Caren / Quadragen / Stand der volkom menheyt / Keuschheyt glübd / Heilig orden / vñ der gleichen / das seind alles söliche wort / die key nen grüß auß götlicher schrift haben / abar zü geltgwin sind sie fürbündig köstlich vnd dienst lich gewesen.

Das fünfft zeychen / dabei man
des Antichrists lerer mercken kan / ist angezey-
get Act. 20. 2. Pet. 2. Sie werden wider die ey-
nigkheydt der Christlichen Kirchen secten auffrich-
ten / jünger nach inen führen / vnd vil werden
irem verderben nachfolgen. Die heilig schrift
leret nun eynen orden / nemlich / den Christlich
en stand / darinnen Christus das haupt vnd
lerer ist / darinnen ist eyn geyst / eyn glaub / eyn
Gott / eyn erlöser / mittler / fürsprech / eyn Euan-
gelion / eyn regel / eyn tauff / eyn tisch des Testa-
ments der gnaden. Inn disem orden oder pro-
fess wirt niemands verdampft / außserhalb di-
ser profess wirt niemands selig / Marci ultio.
Johann. 3. Das ist der eynig stand der vols-
kommenheyt. Aber es seind vor ettlichen jar-
ren lerer auffgestanden / die haben mancherley
secten oder orden auffgerichtet / der meynung /
daß sie sollen stende sein der vollkommenheyt /
weit besser vnd heiliger dann der gmeyn Chri-
stenliche stand / derhalb seind sie heilige orden
geheissen / als ob die leut darinn heilig vnd ses-
lig werden / vnd haben sich nit / wie der gmeyn
hauff / Christen / sonder Benedicter / Augustis-
ner / Dominicaner / Franciscaner / Cathariner
zē. genennt / von den menschen / wider S. Pau-
lus leer. 1. Corinth. 1. Vnd vil leut haben sie
inn jr leer vnd wesen bracht. Ettlich seind gar
inn orden geschlossen / vnd der selben eyn solche

vnseglliche zal / dz die Clöster vnd örden schier
niemandts erzielen kan. Ettliche haben auff
der selben secten leer vnnnd leben ire hoffnung
gsetzt / daß sie ihres verdiensts teylhafftig würs
den / vnd hat die trewe warnung Pauli / 2. Tim
moth 3. mitt geholffen / der so ernstlich gebent
man sol jr müßig gehen. Wir wollen des zeitli
chen Schadens geschweigen / den die welt durch
dise örden empfangen hat / alleyn klagen wir
daß sie sich gemeyns Christlichs stands nit ha
ben lassen benügen / sonder sich vermessen eynē
nähern weg inn himmel zū gehen dann Chris
tus vnd die Apostel gelet haben. Sie haben
weiser wollen sein dann der heilig geyst / dann
der glaub so durch die liebe wirckt / ist disen leu
ten eyn gar zegeringer weg gewesen zū der fro
migkeyt vnd seligkeyt / sie haben eynen bessern
vnd nähern erdacht / nemlich / ire örden vnd Se
cten / oder Regel / vnd Gott vil baß wollen dies
nen dann die erst Christliche versammlung oder
Apostel / wider das gebott Gottes Deuter. 12.

Dise schell hanget warlich nit an den leys
en / dann sie machen keyne besondere
örden / stand / oder Gotsdienst /

Sie wandlen inn der ges
meynen straff Christ
lichs stands / jr
Regel ist /

das heilig Euangelion des
gnad Gottes .

Das sechst zeychen meldet Petrus
in der zweyten Epistel am andern Cap. vnd
spricht / das durch die falschen lerer der letzten
zeit der weg der warheyt verlestert werde.

Welchs ist der weg der warheyt?

Antwort: Christus ist der weg zu dem vatter
vnd die warheyt Johannis 14. vnd das Euā
gelium vnsers heyles ist das wort der war
heyt / Ephes. 1. Darumb ist gewißlich die ges
sunde leer des Euangeliums / der heiligen pro
pheten vnd Apostel / der rechte weg der war
heyt / wenn man leeret / das der glaub / so durch
liebe wirckt / alleyn den menschen from̄ mache /
vnd nit vnserer werck / güte werck seien die Gott
gebeut / vnd auß dem glauben fließen / das Ge
satz mög niemant from̄ machen / es gehö: der
heilig geyst darzu. Niemandts mög von des
gesetzes ansprach / vermaledeung / sünd vñ tod
erlösen vnd helfen / dann alleyn Christus der
eynig versüner / mitler vnd recht Priester der
Christlichen Kirché: Die recht ware kirch Ch
risti seien alleyn die außewöltten Christglau
bigen: Die heilig schrift leere gnügsamlich zu
der seligkeyt: Christlich freihēyt vermög das
man die Christgläubige gewissen mit mensche
sazungen sol vnuerworren lassen: Der recht
Gotsdienst ist / Gott den vatter im̄ geyst vnd
warheyt anbetten: Das eusserlich kirchenge
prengkan auch woleyn gleißner thun. Speiß

sol nit verbotten werden inn gleißneri / dann
Gott hat sie erschaffen zeniessen mit dancksagt
ung den glaubigen / vnd der gleichen auß heili
ger Biblischer schrift. Sie schreien sie / das al
les sei Ketzeri / verdampfte irrthum vnd lüge /
die man sol mit feur / wasser / galgen / rad / sch
werdt / vnd mit aller pen verfolgen vnd auß
tilgen / vnd was hierinne Christus vnd seine
Apostel gelert haben / muß denen heiligen leu
ten nichts dann eitel Ketzeri sein / vnd lügen /
wider die sie gern allen gwalt der ganzen welt
hetzen / wie ietz vor augen ist. Nun muß eyn
eynfeltig mensch sein / der nit verstehe wer dise
leute seien.

Wolan lieben geystlichen / wir ermanen vn
ersuchen euch / bei der herrlichen zukunfft vn
sers herrn Jesu Christi / vnd bei dem erschöck
lichen jüngsten gericht / dar für wir all müssen /
vnd vnser lebens rechen schafft geben / das jr
auff obgesetzte siben artickel / eynen gründlich
en richtigen bescheyd vnd antwort / on verzüg
geben wöllet. Dann wo jr mit grund vnd war
heyt möget beibringen / das obbemeldte sechs
zeychen falscher lerer bei vnß / vn nit bei euch /
erfunden werden / so erbieten wir vnß zu offen
lichem widerruff / vnd wöllen als bald weiche
vnd euch aller sach recht geben / auff das doch
eyn mal die welt zufriden komme / dann ewers
grimmen zorns / vn des jämerlichen zankens
auff beyden teylen / ist vorlengst mehr dann ge

B

nüg gewesen. Wa jr aber vnser ernstlich ers
bieten / die treffenliche sach vnser seelen seligs
kreyt betreffende / würden verachten / so müßte
doch die ganze welt greiffen / das euch der ar
men seelen heyl gar nichts zü hertzen gehet / vnd
jr demnach inn der warheyt nit mögt vnd söl
t weiter successores der heiligen Apostel gehal
ten werden / deß jr euch doch / auß Ireneo trus
lich berümet. Darzū werden jr nit alleyn als
len menschen argwenisch / als die bissher vn
trewlich im hauß Gottes haben hauß gehal
ten / sonder auch den strengen zorn Gottes /
nach S. Peters weissagig / blözlich über euch
erwecken. Es laßt sich schier ansehen als ob
jr nun verrücht habend / vnd inn eitelem fre
uel / on alle Gottes forcht / weder die heiligen
schriff / noch der vralten lerer / wesen vnd leer
erleiden wöllend. Gott geb euch erleuchte
augen ewers hertzens / zü erkennen
das Euangelion der glori Ch
risti / der die bildnuß Got
tes ist / Amen.

**So merck nun du frommer
Christ inn eyner Summa / wie
die sach stehet.**

In den letzten tagen werden gewislich falsche
falsche lerer vnd grosse irrthum regieren/die war
heyt redts/es muß geschehen.

Jetzt seind die letzten zeit/vnd falsche leerer/ **ij**
dann man höret zwispaltige leer.

Wer nun nit wil verfürd werdenn / der hüte **iiij**
sich / wir seien ie gnüg gewarnet.

Nun ligts an dem/das man wisse welch die **iiij**
selbigen verfürer seien/so kan man sich vor in
hüten.

Die Bapstischen schreien wir seinds/Wir sa **v**
gen sie seinds/Wa nun hinaus?

Der heilig geyst merckt vnd zeychnet die An **vj**
tichristlichen verfürer mit sechs deutlichen zey
chen/die iederman bald kan mercken. Wilt du
nun sicher sein / vnd wissen wer die falschen ler
rer seien / so schaw alleyn auff die sechs malzey
chen/dann bei welchen du sie findest / der ist ge
wislich eyn falscher lerer / so weyßt du ietz
welchen du fliehen / vnd welchem du
nachfolgen solt / vnd kanst nit
betrogen werden.

Disß seind die sechs Malzeychen.

Die gewissen mitt menschen satzungen vers **i**
stricken.

- ij Geweiber vnnnd speiß inn lauter gleißneret
verbiereu.
- iiij Eynen schein eyus geystlichen lebens fürn/
vnd inn grund fleyschlich sein.
- iiij Sünd mit eygenen wercken wöllen büßen/
vnd Gots gnad erwerben.
- v Secten auffrichten wider die eynigkeyt der
Christlichen kirchen/ damit frumm zu werden
vnd selig.
- vj Den weg der warheyt/das ist/das lauter E
uangelion lestern vnd ketzerei schelten.

Nun sehe iederman für sich/vnnnd hab acht
auff die sechs zeychen / so kan er sich hüten vor
irrtum. Laß dich nit irren den grossen hauf-
fen/ alte gewonheyt / vnd ansehen der person/
sihe auff Gottes wort / dan laß ims iederman
gesagt sein / es wirt das gemeyn geschrey vnd
flag vergeblich sein/ das man täglich schreiet:
Ei wir wissen nit welchem wir glauben sollen/
sie seind zwispeltig/ieder berümet sich der war
heyt. Frommer Christ/laß dirs keynen schertz
sein/der heilig geyst hat iederman trewlich ge
nüg gewarnt inn obbemeldten sechs stücken.
Du bist ie schuldig bei verkerung deiner selen
seligkeyt/dem heiligen geyst zuglauben / vnnnd
seiner warnung war nemen/vnd dich darnach
zurichten. Die warnung ist ie klar / er hat die
verfürer mit iren farben verstendlich abge
malet / vnnnd man sihet ietz eygentlich bei wels

chen solche zeychen seind / weñ die welt nit stark
blind were. Darumb sei iederman gewarnet /
es wirt feyn entschuldigung helffen / wir wöls
len reyn sein von aller ewer blüt / wir kōn
nen ie nit mer thun / daß wir thünd.

Gottes gnad bewar vns alle /
Amen.

Patz 30. v. 110. 07. 3. 10.

zu Kraft funder geforscht zu
alloy. diese manns kribliso
fourey. mit mit. dinst vor
eine alfulon manns. In ge
pally. funder mit in gelis
Patz der fougoy. und mit gel
fourey,



ifo
von
gr
bis
gd





no 1654

in London

Dr. J. H. Müller

1804

als zum ...
...
...



Jg 273

X2212892

mc.





Kunstlich erbietung
der Evangelischen Predi-
canten / an den Geystlichen standt/
die iezige leer betreffende.

Durch Urbanum Regium.

Joha. 3.

Wer mit warheyt umb geht/
der kompt ans liecht/
Wer übel handelt/der
hasset das liecht.

B. Meyer
P. J. R.

Ger. vj

